

ԵՎՐԱՍԻՆՏԵԳՐՈՒՄ

ԿԱՌԱՎԱՐՈՂ ԿՈՒՍԱԿՅՈՒԹՅՈՒՆԸ ՆԵՐԿԱՅԱՅՐԵՑ
ԵՎՐԱՄԻՈՒԹՅԱՆ ԹԵԿՆԱԾՈՒԻ ԿԱՐԳԱՎԻՃԱԿԻ
ՍՏԱՅՄԱՆ ՊԱՀԱՆՋՆԵՐԻ ԿԱՏԱՐՄԱՆ ԾՐԱԳԻՐԸ



«Վրացական երազանք-ժողովրդավարական Վրաստան» կառավարող կուսակցության նախագահ Իրակլի Կոբախիձեն, հատուկ հրավիրված մամուլի ասուլիսում, ներկայացրեց Եվրամիության անդամի թեկնածուի կարգավիճակի ստացման համար Բրյուսելի կողմից առաջադրած 12 պայմանների կատարման ծրագիրը:

- Ուզում եմ հիշեցնել, որ նշված կետերի մեծ մասը ասոցացման օրակարգի մի մասն է, որը համաձայնեցվել է Վրաստանի եւ Եվրամիության միջև: Կառավարող թիմը կապահովի, որպեսզի Եվրոպական միության սահմանած 12 կետերը կատարվեն սահմանված ժամկետում եւ համապատասխան որակով,- հայտարարեց Իրակլի Կոբախիձեն եւ հավելեց, որ Եվրամիությունը, որպես առաջնահերթային, ներկայացրել է երկրում «քաղաքական բեկեռականացման նվազեցման» կամ կառավարող կուսակցության՝ ընդդիմադիր կուսակցությունների միջեւ հաշտեցման պայմանը:

- Այս առաջին կետը պետք է դիտարկել՝ որպես յուրօրինակ հիմք մնացած 11 կետերի արդյունա-

վետ իրականացման համար: Քաղաքական բեկեռացումը մեր երկրի գլխավոր մարտահրավերներից է, որի ներքո քաղաքական քննարկումը հասարակության համար կարելու է հարցերի փոխադրում, կատարվում է երկրորդական թեմաների շուրջ, որոնք նեղ քաղաքական կշիռ ունեն տարբեր քաղաքական սուբյեկտների համար: Այս իրավիճակը փոխելու համար՝ կարելու է նվազեցնել քաղաքական ուժերի միջեւ արմատական առձակասումը եւ ազդեցիկ հեռուդարձության մի տեսակ մոնոտորիում հայտարարել:

Մենք լիովին գիտակցում ենք այս հարցում մեր պատասխանատվությունը, մնանապես, ընդդիմու-

(Շարունակությունը՝ 2-րդ էջում)

ՍԱԼՈՍԵ ԶՈՒՐԱԲԻՇՎԻԼԻ. «ՊԵՏՔ Է ՀԱՍՆԵԼ ԻՐԱԿԱՆ ԵՎ ՈՉ ԹԵ ԲԱՆԱՎՈՐ ԱԶԳԱՅԻՆ ՀԱՄԱԶԱՅՆՈՒԹՅԱՆ»

Վրաստանի նախագահ Սալոմե Զուրաբիշվիլին արձագանքեց Եվրամիության անդամի կարգավիճակի ստացման պայմանների կատարման ուղղված «Վրացական երազանքի» մշակած ծրագրին եւ, խորհրդարանի շենքի դիմաց անցկացվող հանրահավաքում, կառավարության պաշտոնաթողության եւ տեխնիկական կառավարության հիմնման պահանջին:



Վրաստանի նախագահի հավաստմամբ՝ ոչ կառավարող «Վրացական երազանք» կուսակցության, ոչ էլ արմատական ընդդիմության ծրագրերը կապ չունեն իրական ազգային կոնսենսուսի հետ: Ըստ Սալոմե Զուրաբիշվիլու, ժողովրդի եվրոպական ոգու դրսեւորումը պաշտպանում է երկ-

րի արժանապատվությունը, եւ այն չպետք է փոխի իր ուղին:

- Եվ մենք բոլորս՝ պատասխանատվություն կրողներս, պարտավոր ենք արձագանքել հասարակության ակնկալիքներին՝ գործողությունների ծրագրի շուրջ ձեւավորված իրական, ոչ թե բանավոր, ազգային համաձայնու-

թյամբ: Եվ կերեալ, թե ով ինչ է ուզում՝ Եվրոպա՞, թե՞ իշխանություն,- հայտարարեց նախագահը:

ՊԱՇՏՈՆԱԹՈՂՈՒԹՅԱՆ ՊԱՀԱՆՋ՝ Ի ՊԱՏԱՍԽԱՆ «ԵՐԱԶԱՆՔԻ» ԱՌԱՋԱՐԿՈՒԹՅՈՒՆՆԵՐԻ

Եվրամիության անդամի թեկնածուի կարգավիճակի ստացման պայմանների կատարման հարցով «Վրացական երազանքի» նախաձեռնած կոնկրետ ծրագրին ի պատասխան ընդդիմությունը, հանձինս «Ամոթ է» հասարակական շարժման, Թբիլիսիի Ռուսթավելու պողոտայում անցկացրեց «Տու՛ն՝ դեպի Եվրոպա» հանրահավաքը, որի ընթացքում մասնա-

կիցները կասկածի տակ վերցրեցին գործող կառավարության առաջադրած պայմանների կատարման պատրաստակամությունը ու բարձրացրեցին վարչապետի պաշտոնաթողության պահանջը՝ առաջարկելով ստեղծել ժամանակավոր տեխնիկական կառավարություն, որը կստանձներ Եվրամիության պայմանների կատարման պարտավորությունը:

ՏԱՐԱԾԱՆԵՐՁԱՆ

ՇԱԼՎԱ ՊԱՊՈՒԱՇՎԻԼԻՆ ԱՅՅԵԼԵՑ ԾԱԼԿԱ, ՆԻՆՈԾՄԻՆԴԱ, ԱՄԱԼՔԱՆՔԻ ԵՎ ԱՄԱԼՅԻՒՆԵ

Վրաստանի խորհրդարանի նախագահ Շալվա Պապուաշվիլին, Քվեմո Բարթիլի եւ Սամցխե-Ջավախեթիի մունիցիպալիտետներից Վրաստանի խորհրդարանի պատգամավորներ Սամվել Մանուկյանի, Սմբատ Կյուրեղյանի, Բեքա Դավիթուլիանու, Սոզար Սուբարիի, Էլիսո Բոլքվաձեի եւ Անտոն Օթուաշվիլու ուղեկցությամբ, այցելեց Ծալկա, Նինոծմինդա, Ախալքալաքի եւ Ախալցխե:



Ծալկայի մունիցիպալիտետում Վրաստանի խորհրդարանի նախագահը եղավ Դաշբաշի կիրճում, դիտեց նորակառույց ապակե կամուրջը:

Նինոծմինդայում, խորհրդարա-

նի պատգամավորների ու մունիցիպալիտետի քաղաքապետ Անի Մոսոյանի, սակրեբուլոյի նախագահ Վահան Արոյանի ուղեկցությամբ, եղավ Փոկա գյուղում, ծա-

նոթացավ տեղում իրականացվող ենթակառուցային նախագծերին:

(Շարունակությունը՝ 6-րդ էջում)

ՀԱՅԱՍՏԱՆ

ՀՈՒՆԻՍԻ 5-Ը՝ ՍԱՀՄԱՆԱԴՐՈՒԹՅԱՆ ՕՐ

Հունիսի 5-ին Հայաստանը նշեց Սահմանադրության օրը: 1991 թվականին Հայաստանի անկախության վերականգնմամբ անխուսափելի դարձավ նոր՝ ազգային սահմանադրության ընդունումը:



Սահմանադրությունը ընդունվեց 1995 թվականի հուլիսի 5-ին, համաժողովրդական հանրաքվեով՝ հետագա հանրաքվեներով (2005, 2015) ենթարկվելով փոփոխությունների: Սահմանադրության ընդունումից հետո հուլիսի 5-ը դարձավ պետական տոն՝ Սահմանադրության օր:

Հայաստանի Սահմանադրությունը Հայաստանի իրավական համակարգի հիմքն է՝ երկրի հիմնական օրենքը, որին պետք է համապատասխանեն մյուս բոլոր օրենքներն ու իրավական ակտերը: Սահմանադրությունը նաեւ արժեքաբանական-գաղափարական փաստաթուղթ է, որը սահմանում է հասարակության կազմակերպ-

ման ամենահիմնական սկզբունքները, որոնց գործնական կիրառմանը եւ ամրապնդմանը պետք է ձգտի պետությունը:

Սահմանադրությունը ամրագրեց Հայաստանի Հանրապետության բնույթը՝ որպես ինքնիշխան, ժողովրդավարական, իրավական եւ սոցիալական պետություն, հռչակեց մարդու եւ քաղաքացու հիմնական իրավունքներն ու ազատությունները, սահմանեց հանրապետության կառավարման ձեւը՝ հիմնված օրենսդիր, գործադիր եւ դատական իշխանությունների տարանջատման սկզբունքի վրա:

Հունիսի 5-ը Հայաստանում ոչ աշխատանքային օր է:

ՎՐԱՍՏԱՆ - ՀԱՅԱՍՏԱՆ

ՄԱԿՐՈՏՆԵՍԱԿԱՆ ՔԱՂԱՔԱԿԱՆՈՒԹՅԱՆ ՀԱՐՅԵՐԸ ԵՐԿՈՒ ԵՐԿՐՆԵՐԻ ՖԻՆԱՆՍԻՍՏԵՐԻ ՈՒՇԱԴՐՈՒԹՅԱՆ ԿԵՆՏՐՈՆՈՒՄ

Հունիսի 8-ին աշխատանքային այցով Վրաստանում էր գտնվում Հայաստանի ֆինանսների նախարարության պատվիրակությունը՝ նախարար Տիգրան Խաչատրյանի եւ եկամուտների պետական կոմիտեի նախագահ Ռուստամ Բադասյանի գլխավորությամբ:



Այցի նպատակը՝ հանրային ֆինանսների կառավարման, հաշվապահության, հաշվառման եւ ստուգման վերահսկողության ոլորտում, ինչպես նաեւ հարկային եւ մաքսային ուղղություն-

ներով փոխհամագործակցության, փորձի փոխանակման եւ արդյունքում երկու երկրների համապատասխան ծառայությունների արդյունավետության (Շարունակությունը՝ 2-րդ էջում)

ՎՐԱՍՏԱՆ

ՎՐԱՍՏԱՆՈՒՄ ՄԵԿՆԱՐԿԵՅԻՆ ՄԻԱՍՆԱԿԱՆ ԱԶԳԱՅԻՆ ՔՆՆՈՒԹՅՈՒՆՆԵՐԸ

Հունիսի 3-ին Վրաստանում մեկնարկեցին Միասնական ազգային քննությունները: Ավանդաբար քննչական գործընթացը բացվեց վրաց լեզվի եւ գրականության քննությամբ:



Միասնական ազգային քննությունների անցկացման համար Վրաստանի ողջ տարածքում բացվել է 22 քննչական կենտրոն: Քննության են թույլ տալիս այն դիմորդներին, ովքեր ժամանակին անցնում են գրանցումը, իրենց հետ ունեն քարտ եւ անձը հաստատող փաստաթուղթ:

Այս տարի գրանցվել է մոտ 90 հազար դիմորդ, ինչն աննախադեպ թիվ է:

(Շարունակությունը՝ 5-րդ էջում)

ԵՎՐԱՄԻՆԵԳՐՈՒՄ

ԿԱՌԱՎԱՐՈՂ ԿՈՒՍԱԿՅՈՒԹՅՈՒՆԸ ՆԵՐԿԱՅԱՋՐԵՅ ԵՎՐԱՄԻՈՒԹՅԱՆ ԹԵԿՆԱԾՈՒԻ ԿԱՐԳԱՎԻՃԱԿԻ ՄՏԱՅՄԱՆ ՊԱՀԱՆՋՆԵՐԻ ԿԱՏԱՐՄԱՆ ԾՐԱԳԻՐԸ

(Սկիզբը՝ 1-ին էջում)

թյունը, առաջիկա վեց ամիսների ընթացքում, պետք է զերծ մնա նման հռետորաբանությունից, որը ենթադրում է իշխանության ներքին ու արտաքին լեզվափոխության չճանաչում: Նույնը վերաբերում է ՋԼՄ-ներին, որոնք, ըստ ԵԱՀԿ/ԺԳ-ՄԻԳ-ի եզրակացության, համադիսանում են Վրաստանում քաղաքական բեռնաջան հիմնական աղբյուրներից մեկը, ինչպես նաև՝ հասարակական կազմակերպություններին, որոնց մի զգալի մասն ուղղակիորեն ներգրավված է այս բեռնաջան քարոզարշավում,- ասաց



Իրակլի Կոբախիձեն:

Եվրամիության կողմից առաջարկված պայմաններից, պետական ինստիտուտների, ընտրական օրենսդրության, դատական եւ մյուս ոլորտներում

անցկացվելիք առաջիկա բարեփոխումների մշակման համար, կառավարող թիմը, խորհրդարանի համապատասխան կոմիտեներին առընթեր, առաջարկում է ստեղծել աշխատանքային խմբեր, որտեղ կնե-րառվեն խորհրդարանական կուսակցությունների եւ քաղաքացիական կազմակերպությունների ներկայացուցիչներ: Նշենք, որ Եվրամիության առաջադրած 12 կետից բաղկացած պայմանների թվում է նաև Վրաստանի «Ապաօլի-գարիսացման» կետը, ըստ որի պատժամիջոցներ են սահմանվելու վրաց միլիարդատեր Բի-ծինա Իվանիշվիլու դեմ, թեև

կառավարող թիմը Վրաստանի նախկին վարչապետ Բիծինա Իվանիշվիլուն օլիգարխ չի համարում, հետեւաբար, ինչպես նշեց Իրակլի Կոբախիձեն, եթե անգամ Վրաստանն ընդունի նման օրենք, այն Բիծինա Իվանիշվիլուն չի կարող վերաբերվել: - Աշխատանքային խումբը կաշխատի ապաօլիգարիսացման օրինագծի վրա, որը նախաձեռնության կարգով Վրաստանի խորհրդարան կներկայացվի հոկտեմբերի 5-ից ոչ ուշ եւ խորհրդարանի կողմից կընդունվի նոյեմբերի 29-ից ոչ ուշ,- հայտարարեց Իրակլի Կոբախիձեն:



ՄԵԾ ԲՐԻՏԱՆԻԱ ԲՈՐԻՍ ՋՈՆՍՈՆԸ ԹՈՂԵՑ ԿԱՐԶԱՊԵՏԻ ՊԱՇՏՈՆԸ

Հուլիսի 7-ին Մեծ Բրիտանիայի վարչապետ Բորիս Ջոնսոնը հայտարարեց իր հրաժարականի մասին: Բացի այդ, Բորիս Ջոնսոնը հեռանում է իշխող կուսակցության ղեկավարի պաշտոնից:

- Պարզ է, որ խորհրդարանի «պահպանողական կուսակցությունը» ցանկանում է, որ այս կուսակցությունը ունենա նոր ղեկավար եւ, համապատասխանաբար, նոր վարչապետ,- ասաց Բորիս Ջոնսոնը եւ հավելեց, որ ինքը վարչապետի պաշտոնը կկատարի այնքան ժամանակ, քանի դեռ նոր առաջնորդ չի ընտրվել:

Բորիս Ջոնսոնի պաշտոնը լքելու մասին հայտարարությանը նախորդել է նախարարների եւ մի քանի պաշտոնյաների հրաժարականը, ովքեր, ի նշան բողոքի, հրաժարվել են աշխատել Ջոնսոնի կառավարությունում: Բողոքի ակցիան կապված է սեռական սկանդալի հետ, որի համար Բորիս Ջոնսոնը ներողություն է խնդրել:

ՈՒԶԲԵԿԱՍԱՆ ԵՐԿՐԻ ՈՂՋ ՏԱՐԱԾՔՈՒՄ ՀԱՅՏԱՐԱՐՎԵԼ Է ԱՐՏԱԿԱՐԳ ԴՐՈՒԹՅՈՒՆ

Ուզբեկստանի իշխանությունները արտակարգ դրություն են հայտարարել ամբողջ երկրում: Պատճառը Կարակալպակստանի ինքնավար մարզում, մասնավորապես նրա մայրաքաղաք Նուկուսում տեղի ունեցած բողոքի ակցիան էր, որը զնահատվեց՝ որպես իշխանությունը զավթելու փորձ: Ինքնավար մարզի բնակչությունը, Ուզբեկստանի Սահմանադրության նոր նախագծի հրապարակումից հետո, հուլիսի 1-ին երթ էր կազմակերպել, ըստ որի՝ չեղյալ են հայտարարվում Կարակալպակստանի ինքնիշխան կարգավիճակը եւ համրապետությունից դուրս գալու իրավունքը: Կարակալպակստանի մարզը զբաղեցնում է երկրի տարածքի 40 տոկոսը, սակայն երկրի բնակչության միայն 7 տոկոսը, այսինքն՝ մոտ 2 մլն մարդ է այնտեղ ապրում:

ԳԵՐՄԱՆԻԱ ՈՒԿՐԱԻՆԱԿԱՆ ՊԱՏԵՐԱՋՄԸ ՀԱՆԳԵՑՐԵՑ ԼՈՒՐՁ ԵՐԱՄԱՍԻ

Գերմանիայի կանցլեր Օլաֆ Շոլցը հանդես եկավ հայտարարությամբ, ըստ որի՝ Գերմանիան պետք է միավորվի, որպեսզի կարողանա հաղթահարել Ուկրաինայի դեմ Ռուսաստանի սանձազերծած պատերազմով ծագած տնտեսական բարդությունները, զենճը, որն անցել է պատմական շեմը: - Ստեղծված ծգնաժամը մի քանի ամսում չի վերանա: Մենք պետք է պատրաստ լինենք նրան, որ մոտ ապագայում իրավիճակը չի փոխվի: Այդ պատերազմն ամեն ինչ փոխեց եւ խախտեց մատակարարումների շղթան,- հայտարարել է կանցլերը:

ՎՐԱՍՏԱՆ - ՀԱՅԱՍՏԱՆ

ՄԱԿՐՈՏՆԵՏԱԿԱՆ ՔԱՂԱՔԱԿԱՆՈՒԹՅԱՆ ՀԱՐՅԵՐԸ ԵՐԿՈՒ ԵՐԿՐՆԵՐԻ ՖԻՆԱՆՍԻՍՆԵՐԻ ՈՒՇԱԴՐՈՒԹՅԱՆ ԿԵՆՏՐՈՆՈՒՄ

(Սկիզբը՝ 1-ին էջում)

բարձրացումն էր:

Այցի մեկնարկին Վրաստանի ֆինանսների նախարար Լաշա Խուցիշվիլին եւ նախարարության եկամուտների ծառայության պետ Լեւան Կակավան առանձնագրույց ունեցան իրենց հայ գործընկերներ Տիգրան Խաչատրյանի ու Ռուստամ Բադալյանի հետ, ապա բանակցությունները շարունակվեցին ընդլայնված կազմով՝ համապատասխան ծառայությունների ու տարբեր դե-

պարտամենտների ղեկավարների մասնակցությամբ:

Կողմերը քննարկեցին երկկողմ հարաբերությունները: Վրացական կողմը հայ գործընկերներին ներկայացրեց բյուջեի թափանցիկության, հարկային եւ մաքսային ոլորտներում իրականացրած բարեփոխումների մասին տեղեկատվությունը: Այցի շրջանակներում, Վրաստանի ֆինանսների նախարարության եկամուտների ծառայության պետ Լեւան Կակավան եւ Հայաստանի պետական եկամուտ-

ների կոմիտեի նախագահ Ռուստամ Բադալյանը ստորագրեցին «Տվյալների փոխանակման նախնական էլեկտրոնային համակարգի լրիվ ծանրաբեռնման մասին» արձանագրությունը, որը կողմերին հնարավորություն է ընձեռում ապահովել տեղեկատվության նախնական փոխանակումը երկու երկրների սահմանային ծառայությունների միջեւ փոխադրվող բեռների եւ տրանսպորտային միջոցների վերաբերյալ: Արձանագրության գործարկումը կնպաստի մաքսա-

յին վարչությունների միջեւ արդյունավետ համագործակցության, անվտանգության պահանջների կատարմանն ու օրինական առեւտրին: Օպերատիվ աշխատակարգով տեղեկատվության էլեկտրոնային փոխանցումը նշանակալիորեն կդյուրացնի մաքսային ընթացակարգերի անցկացմանը եւ կմեծացնի վերահսկիչ միջոցառումների արդյունավետությունը ինչպես մաքսային անցումակետերում, այնպես էլ՝ ձեւակերպման տնտեսական գոտիներում:

ՍԱՂԱԽԼՈ - ԲԱԳՐԱՏԱՇԵՆ ՆՈՐ ԿԱՄՐՋԻ ՇԻՆԱՐԱՐՈՒԹՅՈՒՆԸ ՄՈՏԵՆՈՒՄ Է ԱՎԱՐՏԻՆ



Վրաստան-Հայաստան Սաղախլո-Բագրատաշեն սահմանային անցակետում, Դեբեդ գետի վրա «Բարեկամություն»

տական փուլում են: Մեկնարկել են որակի թեստավորման աշխատանքները:

Կամրջի կառուցումը ֆինանսավորվել է Վերակառուցման եւ զարգացման եվրոպական բանկի եւ Վրաստանի ու Հայաստանի կառավարությունների կողմից:

ՌՈՒՄ - ՈՒԿՐԱԻՆԱԿԱՆ ՌԱԶՄԱԿԱՆ ՀԱՎԱՄԱՐՏՈՒԹՅՈՒՆ. 135-ՐԴ ՕՐ

ՈՒԿՐԱԻՆԱՑԻՆԵՐԸ ՄՏԱՑԱՆ ԳԵՐՄԱՆԱԿԱՆ ՋԵՆՔԸ

Ուկրաինայի պաշտպանության նախարար Ալեքսեյ Ռեզնիկովը հայտարարեց, որ Գերմանիայի կողմից Ուկրաինային տրամադրած ինքնազնաց հաուբիցաները՝ հատուկ նախապատրաստած անձնակազմերով, արդեն գտնվում են ճակատում: Նրա խոսքով, դա հրետանու վեցերորդ տեսակն է, որը համալրել է Ուկրաինայի զինված ուժերի զինանոցը:

ԲՈՒՆԱԶԱՎԹԻՉՆԵՐԸ ՓԱՆՑՆՈՒՄ ԵՆ ՈՒԿՐԱԻՆԱՑԻ ՁԻՆԾԱՌՈՅՈՂՆԵՐԻ ԵՐԵՆԱՆԵՐԻՆ

Ինչպես հայտարարել են Ուկրաինայի պաշտպանության նախարարության հետախուզական ծառայությունից՝ ռուս բռնազավթիչները փախցնում են ուկրաինացի զինծառայողների երեխաներին ու նրանց ազգականներին: «Ժամանակավոր բռնազավթած տարածքներում ուկրաինացի զինծառայողների երեխաների եւ մյուս ազ-

գականների փախցնելը պարբերական բնույթ է ստացել: Ցավոք, Ուկրաինայի քաղաքացիների տվյալների բազան հայտնվել է բռնազավթիչների ձեռքում», - ասված է հաղորդագրության մեջ:

«ՌՈՒՄԱՍՏԱՆԸ ՈՒԿՐԱԻՆԱՅՈՒՄ ԴԵՈ ՈՐԵՎԷ ԼՈՒՐՁ ԲԱՆ ԶԻ ՍԿՍԵԼ»

Ռուսաստանի նախագահ Վլադիմիր Պուտինը, Պետդումայի խմբակցությունների ղեկավարների հետ հանդիպմանը, հայտարարել է, որ Ռուսաստանը Ուկրաինայում դեռ որեւէ լուրջ բան չի սկսել:

- Բոլորը պետք է իմանան, որ մենք դեռ ոչ մի լուրջ բան չենք սկսել,- ասել է Պուտինը:

Նրա խոսքով, Արեւմտյան երկրները պետք է գիտակցեն, որ պարտվել են ռուսական «հատուկ գործողությունը» սկսելուն պես:

- Եթե Արեւմուտքը ցանկանում էր հակամարտություն հրահրել, անցնել Ռուսաստանի դեմ պայքարի նոր փուլ,

մեր երկրի զսպման նոր փուլ, կարելի է ասել, որ որոշ չափով դա նրանց հաջողվեց: Այսօր մենք հասկանում ենք, որ մեզ ուզում են հաղթել մարտի դաշտում: Ի՞նչ կարող ենք ասել այստեղ՝ թող փորձեն: Մենք բազմիցս լսել ենք, որ Արեւմուտքը պատերազմ է ուզում մեզ հետ մինչեւ վերջին ուկրաինացի: Սա ողբերգություն է ուկրաինացի ժողովրդի համար, թեւ թվում է, թե ամեն ինչ գնում է դրան,- ասել է Ռուսաստանի նախագահը:

ՕԳՏԱԳՈՐԾԵԼ ԵՆ ԳԵՐԾՇԳՐԻՏ ՀՐԹԻՈՆԵՐ

Ռուսական կողմը Ուկրաինայում կարեւորագույն ռազմական օբյեկտների ոչնչացման համար օգտագործել է գերճշգրիտ «305» հրթիռներ:

Հրթիռները ռազմական նշանակության օբյեկտների, մասնավորապես՝ զինանոցների, ոչնչացման համար արձակվում են ուղղաթիռներից:

Էջը պատրաստեց ՄԻՄՈՆ ԿԻԼԱԶԵՆ

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՆԵՐԴՐՈՒՄԱՅԻՆ ՆԱԽԱԳԻԾ

ԾՂԱՏՈՒԲՈՆ՝ ՊԱՏՄԱԿԱՆ ՀԱՐՈՒՄՏ ԺԱՌԱԳՈՒԹՅԱՄԲ, 21-ՐԴ ԴԱՐԻ ԺԱՄԱՆԱԿԱԿԻՑ ՀԱՆԳՍՏԱՎԱՅՐ

Հունիսի 5-ին, Ծղալտությունում անցկացվեց «Ծղալտության մոր կյանք» ներդրումային նախագծի շնորհանդեսը: Միջոցառմանը մասնակցեցին Վրաստանի վարչապետ Իրակլի Դարիբաշվիլին, երկրի կառավարության ու խորհրդարանի անդամներ, հասարակական կազմակերպությունների ու լրատվամիջոցների ներկայացուցիչներ:

Շնորհանդեսին, իր խոսքում, Վրաստանի վարչապետը նշեց, որ կառավարությունն ամեն ինչ անում է Ծղալտությունը զարգացնելու համար, հանգստավայրի ենթակառուցվածքը լավ հագեցած էր, կառավարության կողմից արդեն իսկ իրականացվել են կարելու վերակառուցման աշխատանքներ, եւ իրականացվող խոշոր ենթակառուցվածքային ծրագրերը դրականորեն կանդորադառնան քաղաքապետարանի եւ ողջ մարզի տնտեսության ու ժողովրդի բարեկեցության վրա:



հայտարարեց վարչապետը:

- Կառավարությունն ամեն ինչ անում է հանգստավայրը զարգացնելու ուղղությամբ: Մեր կառավարությունն արդեն իրականացրել է զգալի վերակառուցման աշխատանքներ: Համատեղ ջանքերով, մասնավոր հատվածի եւ կառավարության ջանքերով մենք հավակնություն ունենք Ծղալտություն վերածել 21-րդ դարի ժամանակակից, բայց միաժամանակ հարուստ պատմական ժառանգությամբ հանգստավայրի:

ՍՈՑԻԱԼԱԿԱՆ

ԵՐԿՔԱՂԱՔԱՑԻՈՒԹՅՈՒՆ ՈՒՆԵՑՈՂ ԱՆՁԱՆՑ ԹՈՒՅԼ ԵՏՐԿՐՈՒՄ ԿԵՆՍԱԹՈՇԱԿ ՍՏԱՆԱԼ ՆԱԵՎ ԱՅԼ ԵՐԿՐՈՒՄ

Վրաստանի կառավարության ընթացիկ տարվա հունիսի 13-ի որոշմամբ, երկ-քաղաքացիություն ունեցող իր քաղաքացիներին Վրաստանը թույլ է տալիս կենսաթոշակ ստանալ միաժամանակ երկու երկրում:

Հետեւաբար, այժմ Վրաստանի կառավարությունը կենսաթոշակ կտրամադրի իր քաղաքացուն, եթե նույնիսկ վերջինս ստանում է այլ երկրում եւս:

Մինչ այս փոփոխությունը, ըստ

օրենքի, երկքաղաքացիություն ունեցող անձինք կարող էին կենսաթոշակ ստանալ միայն մեկ երկրում, եւ իրենք պետք է ընտրեին, թե որ երկրում են ցանկանում ստանալ կենսաթոշակ:

Հիշեցնենք. Վրաստանում կենսա-

թոշակ տրվում է 60 տարեկանից՝ կանանց, 65 տարեկանից՝ տղամարդկանց: Ընդհանուր առմամբ, Վրաստանում թոշակ է ստանում մոտ 794,4 հազար քաղաքացի՝ 417,4 հազարը 70 տարեկանից բարձր: Լեռնային շրջաններում մինչեւ 70 տարեկանների կենսաթոշակը կազմում է 312 լարի, իսկ 70 տարեկանից բարձր անձանց համար՝ 360 լարի:

ԻՆՉՊԵՄ ԿԱՐՈՂ ԵՕՏԱՐԵՐԿԱՅԻՆ ԿԵՆՍԱԹՈՇԱԿ ՍՏԱՆԱԼ ՎՐԱՍՏԱՆՈՒՄ

Վրաստանի աշխատանքի, առողջապահության եւ սոցիալական պաշտպանության նախարարության տվյալներով՝ օտարերկրյա քաղաքացիները, ովքեր ապրում են Վրաստանում եւ ունեն մշտական բնակության իրավունք եւ թոշակային տարիքի են, կարող են պետական կենսաթոշակ ստանալ: Սույն օրենքն ուժի մեջ է մտել 2022 թվականի մայիսին:

Անկախ նրանից, որ քաղաքացին այլ երկրում կենսաթոշակ ստանում է, թե ոչ, եթե նա ունի Վրաստանում մշտական կացության իրավունք եւ վերջին 10 տարում օրինավոր ապրել է Վրաստանում, ապա կստանա կենսաթոշակ: Նա սոցիալական ծառայության գործակալություն պետք է ներկայացնի տեղեկատվական քարտ, որտեղ հաստատված կլինի տվյալ անձի Վրաստանի տարածքում վերջին 10 տարում օրինավոր ապրելու մասին տեղեկություն: Այդ քարտը հնարավոր է ստանալ Արդարադատության տնից

եւ պետք է ներկայացնել շրջանի սոցիալական ծառայության գործակալություն, եւ միայն այդ դեպքում կնշանակվի պետական կենսաթոշակ:

Օտարերկրյա քաղաքացու մշտական կացության մասին տեղեկատվական քարտը տալիս է Վրաստանում արդարադատության նախարարության պետական վերահսկողության ներքո գործող, հանրային գործակալության իրավաբանական անձանց պետական ծառայությունների զարգացման գործակալությունը:

COVID - 19

2570 ՎԱՐԱԿՄԱՆ ԵՎ 3 ՄԱՀՎԱՆ ԴԵՊԵ՝ ՄԵՎ ՀԱՐԱԹՎԱ ԸՆԹԱՋՔՈՒՄ

Անցած շաբաթվա ընթացքում Վրաստանում գրանցվել է կորոնավիրուսով վարակման 2570 նոր դեպք: Առողջացել է 1103 բուժառու, իսկ 3-ը՝ մահացել: Այս մասին տեղեկությունը տարածել է Վրաստանի Հիվանդությունների վերահսկման ազգային կենտրոնը:

Մեկ շաբաթվա ընթացքում Վրաստանում 63 հազար 443 թեստավորում է կատարվել:

7-օրյա թեստավորման դրական ցուցանիշը կազմում է 4,05 տոկոս:

ԿՈՐՈՆԱՎԻՐՈՒՄՈՎ ՎԱՐԱԿՄԱՆ ԴԵՊՔԵՐԸ ԿՐԿՆԱՊԱՏԿՎԵԼ ԵՆ



նում, աճել է վիրուսով վարակվածների թիվը:

Վրաստանի հիվանդությունների վերահսկման ազգային կենտրոնի ղեկավար Ամիրան Գամդրելիձեն քաղաքացիներին կոչ արեց պատվաստվել կորոնավիրուսի դեմ պատվաստանյութով, ցանկալի է՝ «Խթանիչ» (բուստեր) դեղաչափով, քանի որ վերջին երեք շաբաթվա ընթացքում ամբողջ աշխարհում, նաեւ՝ Վրաստանում, աճել է վիրուսով վարակվածների թիվը:

- Ակտիվացել են B4 ու B5 շտամները. մի քիչ հուսադրող է, որ շատ վտանգավոր չեն, բայց ավելի հեշտ են տարածվում,- ասաց Ամիրան Գամդրելիձեն՝ հավելելով, որ կորոնավիրուսով վարակվածության շաբաթական վիճակագրությունը փաստում է դեպքերի կրկնապատկման մասին:

- Վիրուսի տարածումը կանխելու մեկ տարբերակ կա՝ քաղաքացիների շրջանում բարձրացնել դիմադրողականությունը, այսինքն՝ երկրում ունենալ պատվաստումների բարձր մակարդակ՝ աշունն ապահով դիմավորելու համար,- նշեց Ամիրան Գամդրելիձեն:

Հիշեցնենք, որ Վրաստանում չափահաս բնակչության մինչեւ 45 տոկոսը պատվաստվել է երկու դեղաչափով: Երկրում հասանելի են «Pfizer», «Sinopharm» եւ «Sinovac» պատվաստանյութերը:

ԿՈՐՈՆԱՎԻՐՈՒՄԻ ԴԵՄ ՊԱՏՎԱՍՏՄԱՆ ՎԻՃԱԿԱԳՐՈՒԹՅՈՒՆԸ

Վրաստանում, վերջին 7 օրվա ընթացքում, ընդհանուր առմամբ, իրականացվել է 1 875 պատվաստում կորոնավիրուսի դեմ: Երկրում ընդհանուր հաշվով իրականացվել է 2 միլիոն 904 հազար 080 պատվաստում:

Հիվանդությունների վերահսկման ազգային կենտրոնի վիճակագրության համաձայն՝ Վրաստանում առկա 1 դեղաչափով պատվաստված է 1 միլիոն 372 հազար 432 քաղաքացի, այսինքն՝ չափահաս բնակչության 48,5 տոկոսը: Ամբողջությամբ պատվաստվել է 1 միլիոն 271 հազար 642 մարդ, այսինքն՝ չափահաս

բնակչության 44,9 տոկոսը:

255 հազար 928 մարդ պատվաստվել է «Խթանիչ» (բուստեր) դեղաչափով:

Հունիսի 27-ից հունիսի 3-ը, երկրում անցկացված 1 875 պատվաստումների մեծ մասն իրականացվել է Թբիլիսիում եւ Աջարիայում, իսկ Վրաստանի այլ մարզերում այսպիսի պատկեր է. Սամեգրել-Չենո Սվանեթի՝ 68, Կախեթի՝ 59, Շիրա Բարթի՝ 35, Սամցխե-Ջավախեթի՝ 26, Գուրիա՝ 15, Սցխեթա-Սթիանեթի՝ 2, Ռաճա-Լեչխումի-Բլենո Սվանեթի՝ 0:


ԱՇԽԱՆԸ ՄՊԱՍՎՈՒՄ ԵՎ ԿՈՐՈՆԱՎԻՐՈՒՄՈՎ ՎԱՐԱԿՈՒՄՆԵՐԻ ԹՎԻ ԿՏՐՈՒԿ ԱՎԵԼԱՅՈՒՄ

Վրաստանի ինֆեկցիոն պաթոլոգիայի, ԶԻԱՀ-ի եւ կլինիկական իմունոլոգիայի գիտագործնական կենտրոնը հայտարարություն է տարածել, որում նշվում է, որ, ելնելով այն հանգամանքից, որ առջեւում ամառային զբոսաշրջային սեզոնն է, Վրաստանում կորոնավիրուսի դեպքերի աճի պիկը սպասվում է աշնանը:

Ըստ կենտրոնի հաղորդագրության, եթե նախկինում օրական միջինում 100 նոր դեպք էր գրանցվում, ապա այժմ՝ 600-700 նոր դեպք:

Կենտրոնը կոչ է անում քաղաքացիներին, վիրուսով վարակման ախտանիշներ նկատելուն պես, անցկացնել կորոնավիրուսի թեստ, իսկ վիրուսի հաստատման դեպքում՝ ուշադիր հետեւել բժշկի խորհուրդներին:

ՏՆՏԵՍԱԿԱՆ ԽՈՐՀՐԴԻ ՆԻՍՏԸ ՎԱՎԵՐԱՑՐԵՑ ՏՆՏԵՍԱԿԱՆ ԵՐԿՆԻՇ ԱԾԻ ՓԱՍՏԸ



Հունիսի 6-ին, Վրաստանի վարչապետ Իրակլի Դարիբաշվիլու գլխավորությամբ, անցկացվեց Տնտեսական խորհրդի նիստ, որի հիմնական թեմաներն էին երկնիշ տնտեսական աճը, արտահանման ավելացումը եւ զբոսաշրջության վերականգնման դիմամիկայի ամրապնդումը:

Երկրի տնտեսական իրավիճակի քննարկմանը նշվեց, որ երկնիշ տնտեսական աճի դիմամիկայի շարունակվում է, մասնավորապես, 2022 թվականի մայիսին տնտեսական աճը կազմել է 11,6 տոկոս, իսկ հունվար-մայիսին՝ միջին տնտեսական աճը որոշվել է 11,2 տոկոսով:

Քննարկվել են նաեւ տնտեսական աճին նպաստող գործոնները, այդ թվում՝ տեղական արտահանման ուղղությամբ նկատվող դրական միտումները եւ զբոսաշրջության վերականգնման դիմամիկայի ամրապնդումը: Նշվեց, որ 2022 թվականի մայիսին արտահանումն աճել է 54,3 տոկոսով, իսկ տեղական արտահանումը՝ 63,3 տոկոսով: Խոսելով զբոսաշրջության մասին՝ ընդգծվեց, որ հունվար-մայիսին ճանապարհորդությունից եկամուտների վերականգնման մակարդակը կազմել է 75,3 տոկոս, իսկ եկամուտը՝ 840,9 մլն ԱՄՆ դոլար:

Նիստում նշվեց նաեւ՝ 2022 թվականի առաջին կիսամյակում բյուջեի կատարման ուղղությամբ նկատված դրական միտումները: Թե՛ ընդհանուր եկամուտների ցուցանիշը, թե՛ հարկային եկամուտները գերազանցվել են: Ինչպես նաեւ միացյալ բյուջեով՝ գերակատարվել են պետական բյուջեի եկամուտները, որոնց ծավալը կազմել է 9,1 մլրդ լարի: Հատկապես նշվեց, որ բյուջեի համակցված դեֆիցիտը կազմել է ընդամենը 0,3 տոկոս, ինչը ցույց է տալիս, որ ծրագրված հարկաբյուջետային կոնսոլիդացիան շարունակվում է, եւ մինչեւ տարեվերջ հնարավոր կլինի էապես նվազեցնել դրա տարեկան ցուցանիշը եւ, ի սկզբանե կանխատեսված 4,4 տոկոսի փոխարեն դրա տեմպը կնվազի մինչեւ 3,5 տոկոս:

ՀՐԱՏԱՊ

ԼԱՇԱ ԽՈՒՅԻՇՎԻԼԻ. «ԱԿՆԿԱԼՈՒՄ ԵՆՔ, ՈՐ ԳՆԱԾԻ ՄԱԿԱՐԴԱԿԸ ԿՍԿՍԻ ՆՎԱԶԵԼ»



Հունիսի 4-ին, Վրաստանի վարչապետ Իրակլի Դարի-բաշվիլու նախագահությամբ, անցկացվեց երկրի կառավարության նիստ, որտեղ քննակվեցին համատարած գլոբալ ճգնաժամի պայմաններում Վրաստանի էկոնոմիկայի, ֆինանսական հատվածի կայունացման և աշխուժացման, զնաճի մակարդակի նվազեցման, ինչպես նաև ֆինանսական նոր ինստիտուտների հիմնման հարցերը:

Ապրանքների գների բարձրացման վրա, ասաց Լաշա Խուցիշվիլին՝ հավելելով, որ Վրաստանի Ազգային բանկն անում է ամեն ինչ, որպեսզի կանխի զնաճի երկարաժամկետ կետ սպասումները:

- Ազգային բանկն անում է ամեն ինչ, որպեսզի կանխի զնաճի երկարաժամկետ սպասումները եւ միանշանակ քայլեր է ձեռնարկել այս ուղղությամբ: Ուստի, մենք ակնկալում ենք, որ զնաճի մակարդակը կսկսի նվազել եւ, ինչպես եւ կանխատեսվում էր, հաջորդ տարվա երկրորդ կիսամյակում այն կմոտենա Ազգային բանկի կողմից սահմանված նպատակային ցուցանիշին: Սակայն, մյուս կողմից, այն մարտահրավերներ, որոնք առկա են տարածաշրջանում, աշխարհում, մեզ ոչ մի երաշխիք չեն տալիս, որ տարվա երկրորդ կիսամյակում զնաճի այս ցուցանիշն իսկապես կհասնի նպատակային ցուցանիշի,- ընդգծեց Լաշա Խուցիշվիլին:

Անդրադառնալով երկրի հետկորոնավիրուսային էկոնոմիկային՝ Լաշա Խուցիշվիլին նշեց, որ տնտեսության վերականգնումն ընթանում է ավել-

ի արագ տեմպերով, քան մենք սպասում էինք, եւ սպասելիքները շատ ավելին են, քան 6 տոկոս տնտեսական աճը:

- Մայիսին արձանագրվել է 11,6 տոկոս տնտեսական աճ, իսկ հնգամսյա տնտեսական աճը կազմում է 11,2 տոկոս, ինչն էականորեն ավելացել է այն դրական սպասումների համեմատ, որոնք հայտարարել էինք: Գիտեք, որ այս տարի կանխատեսվում է 6 տոկոս տնտեսական աճ: Դա այն պայմաններում, երբ դեռ չկար այն աշխարհաքաղաքական իրավիճակը, որը ստեղծվել էր մեր տարածաշրջանում, մասնավորապես, Ուկրաինայի տարածք ռուսական ներխուժման արդյունքում: Բնականաբար, սա փոխեց մեր ծրագրերը, սակայն առաջին հինգ ամիսների տվյալներով՝ տնտեսության վերականգնման տեմպերն ավելի արագ են ընթանում, քան մենք կանխատեսել էինք անցած տարեվերջին եւ այս տարվա սկզբին: Այս ուղղությամբ մենք կարող ենք վերանայել մեր կանխատեսումները ավելի ուշ, երբ կունենանք ընթացիկ տարվա բյուջեի փոփոխությունների նախագիծ,- ասաց ֆինանսների նախարարը:

Կառավարության նիստի ավարտին՝ Վրաստանի ֆինանսների նախարար Լաշա Խուցիշվիլին հայտարարեց, որ զնաճի խնդիր կա ամբողջ աշխարհում, եւ Վրաստանը բացառություն չի կարող լինել:

- Բնականաբար, մենք պետք է նայենք Վրաստանում զնաճի հետ կապված միտումներին, եւ պետք է կենտրոնանանք նաեւ այն բանի վրա, որ Վրաստանը չի կարող բացառություն լինել: Մենք տեսնում ենք այն, որ Եվրամիության երկրներում, Ամերիկայի Միացյալ Նահանգներում, ամբողջ աշխարհում զնաճը պատմական բարձր մակարդակի վրա է վերջին 40-50 տարիների ընթացքում:

Ըստ այդմ, այստեղ գործ ունենք շղթայական գործընթացի հետ: Այս զնաճի հիմնական բաղադրիչներից մեկի՝ վառելիքի ու նավթամթերքի կտրուկ զնաճը անուղղակի արտացոլում է գտնում այլ

ՎՐԱՍՏԱՆՈՒՄ ԳՆԱՃԻ ՏԵՄՊԵՐԸ ԴԱՆՊԱՂԵԼ ԵՆ, ԹԵՆՎ ԳՆԵՐԸ ՇԱՐՈՒՆԱԿՈՒՄ ԵՆ ՄՆԱԼ ԲԱՐՁՐ

Վրաստանի վիճակագրության ազգային ծառայության տվյալներով, 2022 թվականի հունիսին, նախորդ ամսվա համեմատ, Վրաստանում զնաճը կազմել է 0,2 տոկոս, իսկ տարեկան զնաճը՝ 12,8 տոկոս:

Ընդ որում, մեկ ամիս առաջ այդ ցուցանիշը կազմում էր 13,3 տոկոս: Ինչ վերաբերում է բազային զնաճին, ապա 2022 թվականի հունիսին, նախորդ տարվա համապատասխան ժամանակահատվածի համեմատ, այս ցուցանիշը կազմում է 5,8 տոկոս, իսկ տարեկան բազային զնաճը, առանց ծխախոտի, սահմանվել է 6,6 տոկոս:

Հնչեքի ձեւավորման վրա հիմնականում ազդել են հետեւյալ խմբերի՝ հյուրանոցների, սրճարանների եւ ռեստորանների գների փոփոխությունները: Գնաճ է վաճառվել վել պարենային ապրանքների եւ ոչ ոգելից խմիչքների խմբում: Թանկացել են նաեւ միրգը, սուրճը, թեյը, կակաոն, ձեթը, յուղը, բանջարեղենը: Նշենք, որ Վրաստանում տարեկան հաշվար-

կով զնաճն սկսել է մեծանալ 2021 թվականի մարտից: Գնաճային գործընթացների զսպման համար երկրի Ազգային բանկն սկսել է խստացնել դրամական քաղաքականությունը՝ վերաֆինանսավորման տոկոսադրույքը բարձրացնելով տարեկան մինչեւ 11 տոկոս: Վրաստանի Ազգային բանկը հուսով է, որ 2022 թվականի վերջին զնաճի ցուցանիշը կկրճատվի մինչեւ նպատակային 3 տոկոս, բայց Ուկրաինայում ծավալված իրադարձությունների պատճառով ընկերությունը կդանդաղի:

ՎԱՌԵԼԱՆՅՈՒԹԻ ԳՆԵՐՆ ԱՃՈՒՄ ԵՆ

Վրաստանում վերջին օրերին կրկին նկատվում է վառելիքի զնաճ. հատկապես բանկ է դիզելային վառելիքը:

Մասնավորապես, տարբեր կատեգորիաների մեկ լիտր բենզինի գինը ավելացել է 5-19 թեթրիով:

Ինչ վերաբերում է դիզելային վառելանյութին, ապա, տվյալ պարագայում, նշանակալին ներկրման ժամկետների ձգձգմանն ու ծավալների նվազեցմանն է վերաբերում:

- Դիզելային վառելիքի հետ կապված իրավիճակը կրիտիկական է, միջազգային գները զգալիորեն աճել են, երկրորդ գործոնն այն է, որ այժմ մա-



տակարարման հետ կապված մեծ խնդիրներ կան: Երկու ամսից ավելի է, ինչ Ադրբեյջանից դիզելային վառելիքի ներկրում չի եղել: Բացի այդ, Ռուսաս-

տանից դիզելային վառելիքը զգալի ուշացումներով է գալիս: Այս գործոնները մեկ ամսում բարձրացրել են դիզելային վառելիքի գինը 40-45 թեթրիով (մոտ 0,13 - 0,15 դոլար),- ասաց Վրաստանի նավթամթերք ներմուծողների միության ղեկավար Վանո Մվրալաշվիլին:

ԵՐԿՐԻՅ՝ ՅՈՐԵՆԻ ԱՐՏԱՀԱՆՈՒՄ ԱՐԳԵԼՎԵՅ, ԻՍԿ ՆԵՐԿՐՈՒՄԸ՝ ԴԱՊԱՐԵՅՎԵՅ

Ինչպես արդեն հաղորդել ենք, Վրաստանի կառավարության որոշմամբ, հունիսի 4-ին արգելվել է երկրից ցորենի, գարու արտահանումը:

Երկրի գործադիր իշխանության համար սա ժամանակի պահանջն էր պայմանավորված նրանով, որ վերջին ժամանակներում կտրուկ նվազել են ցորենի ներկրման ծավալները, քանի որ Ուկրաինան եւ Ռուսաստանը ցորենի խոշոր մատակարարներից են, ուստի ցորենի հետ կապված արդեն խնդիրներ են ծագել:

Ինչպես հայտարարեց Վրաստանի ցորենի եւ ալյուր արտադրողների ասոցիացիայի գործադիր տնօրեն Լեւան Սիլազա-վան՝ Վրաստան ցորենի ներկրումը գրե-

թե 2 ամսով դադարեցվել է, իսկ հացի ալյուրը ներկրվում է միայն Ռուսաստանից:

- ՄԱԿ-ի հանձնարարականի համաձայն՝ երկրներում պետք է լինի ցորենի 2 ամսվա պաշար, թեւեւ Եգիպտոսը ստեղծել է 6 ամսվա պաշար: Հարեւան Ադրբեյջանը եռամսյա մատակարարում է սկսել եւ արգելել է արտահանումը, Հայաստանն էլ արգելել է արտահանումը, իսկ Դազախստանը՝ քվոտաներ է մտցրել,- հայտարարեց Լեւան Սիլազավան եւ հավելեց, որ Վրաստանը ցորենը «բռնագավթիչ Ռու-

սաստանից» է գնում, որը ո'չ պաշարներ ունի, ո'չ էլ ցորեն, ինչի պատճառով էլ վերջին մեկ ամսվա ընթացքում գործարանները դադարեցրել են աշխատանքը:

Վրաստանի գյուղատնտեսության նախարարության հավաստմամբ՝ ներկա դրությամբ մթերման խնդիր չկա:

- Ռուսաստանից անցյալ տարի մենք ստացել ենք 138 հազար տոննա տեղական ցորեն, այս տարի, կարծում ենք, այն կկազմի 160-170 հազար տոննա,- ասաց բնապահպանության եւ գյուղատնտեսության նախարարի առաջին տեղակալ Գիորգի Խանիշվիլին՝ հավելելով, որ տեղական ցորենը կազմում է Վրաստանի տա-

րեկան սպառման 15-20 տոկոսը:

Վերջին տարիներին Ռուսաստանից Վրաստան հիմնականում ցորեն էր ներկրվում, ինչը բացատրվում էր դրա համեմատաբար ցածր գնով: Սակայն Ռուսաստանի կողմից ցորենի արտահանման հարկի ավելացումը, իսկ ալյուրի արտահանման վրա գրոյական հարկ սահմանելու պատճառով՝ Ռուսաստանից ցորենի ներմուծումը Վրաստան կրճատվել է, եւ վերջերս այն գրեթե ամբողջությամբ դադարեցվել է:

Ցորենի փոխարեն Ռուսաստանից սկսվել է հիմնականում ալյուր ներկրվել, ինչը դադարեցրել է նաեւ ալյուրացների աշխատանքը:

ՆՈՐ ԱՐՏԱԴՐՈՒԹՅՈՒՆ

ՎՐԱՍՏԱՆՈՒՄ ԿԹՈՂԱՐԿՎԵՆ ԺԱՄԱՆԱԿԱԿԻՑ ԷԼԵԿՏՐԱՄՈԲԻԼՆԵՐ

Էլեկտրամոբիլների արտադրության մասնագիտացված բրիտանական Arrival ընկերությունը դադարեցնում է իր գործունեությունը Ռուսաստանում եւ մոսկովյան գրասենյակի աշխատակիցներին տեղափոխում է Վրաստան:

Այդ մասին տեղեկացրել է Arrival ընկերության փոխնախագահ Թոմ Էլվիջը:

Arrival-ի հիմնադիր, միլիարդատեր Դենիս Սվերդլովը՝ նույն ինքը՝ Yota-ի նախկին ղեկավար, եւ Ռուսաստանի կապի նախարարության նախկին փոխղեկավար Սվերդլովը ծնվել է Վրաստանում, իր գիտակից կյանքի մեծ մասն անց է կացրել Ռուսաստանում, իսկ 2013 թվականից ապրում է Լոնդոնում: Ռուսաստանի կողմից Ուկրաինայում սանձազերծած պատերազմից հետո՝ գտնվում է բացառիկ ուշադրու-

թյան ներքո: Զգուշանալով պատժամիջոցներից՝ նա որոշեց իր ընկերությունը դուրս բերել Ռուսաստանից:

- Ռուսաստանում գործարքների վերացման գործընթացը կտելի մի քանի ամիս: Էլեկտրամոբիլների թողարկման ծրագրային ապահովման թիմի մեծ մասն արդեն գտնվում է Վրաստանում: Հատուկ նրանց համար, Թբիլիսիում բացվել է գրասենյակ,- հայտարարեց Թոմ Էլվիջը:

Անցյալ տարվա տվյալներով՝ 13,6 միլիարդ դոլար արժու-ղության Arrival-ը հիմնվել է

2015 թվականին: Ընկերությունը գրասենյակներ ունի Մեծ Բրիտանիայում, ԱՄՆ-ում, Գերմանիայում, Նիդերլանդներում, Իսրայելում, Ռուսաստանում եւ Լյուքսեմբուրգում:

Arrival-ը զբաղվում է էլեկտրամոբիլների, ինչպես նաեւ՝ ավտոբուսների թողարկմամբ: Ներկա դրությամբ՝ այն միկրոֆաբրիկաներ է հիմնում ԱՄՆ-ում եւ մեծ Բրիտանիայում, որտեղ, ըստ Էլվիջի, մոտ ժամանակներում կսկսեն արտադրանքի թողարկումը: Միջազգային ֆինանսական շրջանների գնահատմամբ՝ ներկա դրությամբ ընկերության արժեքը կազմում է 13,8 միլիարդ դոլար: Թեւեւ, ռուս-ուկրաինական պա-



տերազմի ֆոնի վրա, ընկերության բաժնետոմսերի արժեքը նվազել է 40 տոկոսով:

Ավելացնենք, որ անցյալ տարի Դենիս Սվերդլովը Մեծ Բրիտանիայի ամենահարուստ գործարարների ցուցակում զբաղեցնում էր 26-րդ հորիզոնա-

կանը: Նրա կարողությունը 2021 թվականին կազմում էր 3 միլիարդ դոլար: Ընթացիկ տարվա հունվարի վերջին, Arrival ընկերության բաժնետոմսերի գների անկման արդյունքում, նրա կարողությունը նվազել է մինչեւ 1,4 միլիարդ դոլար:

Էջը պատրաստեց ԱՐԵՎԻԿԱ ՄԱՆՈՒԿՅԱՆԸ